



Lindås kommune  
Kvernhusmyrene 20  
5914 ISDALSTØ

Dato: 05.01.2015  
Vår ref.: 2014/24797-2  
Saksbehandlar: heihand  
Dykkar ref.: 14/5868

## Kulturminneglag innspel - Søknad om bygging av landbruksveg - Tyborgneset - Lindås kommune

Vi syner til motteken søknad med kart vedrørande bygging av landbruksveg, vegklasse 4, på Tyborgneset i Lindås kommune, datert 19.12.14. Søknaden omfattar anlegging av ny veg i ei lengde på 2200 meter.

Hordaland fylkeskommune har vurdert saka som regional sektorstyresmakt innan kulturminnevern. Vi har per i dag ikkje opplysningar i våre arkiv om automatisk freda kulturminne eller andre kulturminne med høg verneverdi som blir direkte råka av det omsøkte tiltaket.

Den planlagde vegen ligg nokre stader i areal som kan ha potensiale for funn av hittil ukjende automatisk freda kulturminne. Det er særleg steinalderbuplasser som kan vere aktuelt i dette området. Vi finn det dermed naudsynt med ei synfaring, eventuelt ei mindre arkeologisk registrering etter § 9 i kulturminnelova for å avklare om tiltaket kan råke hittil ukjende automatisk freda kulturminne. Då tiltaket er av mindre privat karakter vil Hordaland fylkeskommune dekke kostnader til slik registrering. Registreringa vil bli gjort så snøgt som råd, men vi må ta etterhald om bår og frostfri mark.

Vi ber Lindås kommune avvente vedtak i saka til arkeologisk synfaring/registrering er gjennomført, og tilhøvet til automatisk freda kulturminne er avklart. Dersom ein har spørsmål eller merknader til ovannemnde, er ein velkommen til å ta kontakt med Hordaland fylkeskommune, Kultur- og idrettsavdelinga v/Heidi Handeland, 55 23 91 72, [Heidi.Handeland@hfk.no](mailto:Heidi.Handeland@hfk.no).

Med helsing

Per Morten Ekerhovd  
fylkeskonservator

Heidi Handeland  
spesialrådgjevar

Brevet er godkjent elektronisk og har derfor ingen underskrift.